

法音開悟羣生覺諸天人善男子善女人令
知身行罪惡命根因緣不絕殃對相尋流曳
三塗五道之中魂形苦惱憶劫無還故說是
戒令人法門開度九幽拔出苦根使生者見
道身脫八難死者歡樂上昇天堂早生人中
轉輪聖王生死慶泰世世長存預以信向皆
當精心奉戒持齋自得道真慎行勤修諱受
勿忘能同大法便當伏聽

太上洞玄靈寶智慧罪根上品大戒經卷上

太上洞玄靈寶智慧罪根上品大戒經卷下
東極世界飛天神人曰東方無極世界恒沙
衆生已得道過去及未得道見在福中善男
子善女人修奉智慧上品十戒功滿福報致
得乘空白日飛行駕景策龍上登玉清遊行
東極九炁天中未得道者生世當貴位為人
尊年命長遠並無天傷東方青帝皆列名
奏言九炁上天九炁天官告下東方三官九
署地牢之中削落青元九幽玉匱長夜之幽
宿世罪根青天司命勅錄諸天神仙簿中七
祖皆得上昇天堂衣食自然隨年更生帝王
之門世世歡樂恒居福中因緣不絕故得信
根
太上道君顧問東極世界飛天神人曰我嘗
歷觀諸天出遊東門見東方無極世界地獄
之中有百姓子男女人身受考撻諸痛備舉
形體毀悴苦毒難言見之悲傷謫役幾年當
得解脫為還人中更還惡緣如此之輩當作
何功德以拔此怨使得開度還入善門
東極世界飛天神人曰其人所犯元惡罪錄

結在九幽長夜之幽九炁天君青天靈官三
界司算結其目錄依玄都青上宮左官律
九萬劫得還生非人之道輪轉九億萬劫天
地數極乃得作九河都役使此之辛苦非可
能言欲得開度斷絕惡緣當依明真玉匱女
青上宮科品以青紋之縉九十尺亦可九尺
金龍一枚詣東方九炁天君東鄉諸靈官九
幽之中拔贖苦魂絕諸罪根九日九夜明燈
燒香首謝天君九幽之下得見光明可得解
脫還入善緣九年皆得還生人中世世歡樂
福慶無窮
東南世界飛天神人曰東南無極世界恒沙
衆生已得道過去及未得道見在福中善男
子善女人修奉智慧上品十戒功滿福報名
書上清或位登上聖或為神仙遊行五嶽駕
龍乘虛見在世上為人師宗萬姓所仰三界
所敬門戶清貴福慶無窮東南地司皆列名
上言梵炁上天梵炁天官告下東南三官九
府百二十曹削落黃元九幽玉匱長夜之幽
宿世罪根梵天司命勅錄梵天神仙籍中七

祖普得去離三塗上昇天堂衣飯天廚一十二年皆得更生福德之門帝王之家世世歡樂輪轉因緣遂得飛仙

太上道君顧問東南世界飛天神人曰我嘗歷觀諸天出遊東南門見東南無極世界地獄之中有百姓子男女人受此惡對苦毒難言見之悲傷甚可哀愍被責幾年當得解脫蒙赦之日為生人中為作何形如此之輩有何功德可相解度

東南世界飛天神人曰斯人所行罪在踏逆結於九幽長夜之幽一炁天君梵炁諸靈官三界司算結其罪錄依玄都女青中官中官律萬劫得還生賤人之中身嬰六極或抱殘傷或生棄疾或轉十二萬劫無數之周乃得作東嶽都役役其人艱辛非可能言欲得拔

度還於善緣昔依明真玉匱女青中官科品以黃文之繪一百二十尺亦可一十二尺金龍一枚詣東南梵炁天君東南諸靈官九幽之中拔贖罪魂一十二日一十二夜明燈燒香首謝天君可得開度見諸光明一十二年

皆得還生福德之門世世歡樂永享無窮南方無極世界飛天神人曰南方無極世界恒沙眾生已得道過去及未得道見在福中善男子善女人修奉智慧一品十戒功滿德備丹天福報已得道者位登上真或為神仙

或為靈官或得滅度見在上聰明智慧逆知吉凶或通靈徹視役使鬼神或在富貴帝王之門南方亦帝南極地司皆列名上言三炁丹天三炁天官告下南方三官九府百二十曹削除赤元九幽玉匱長夜之幽宿世罪

根丹天司命注上丹天神仙籍中七祖普得去離三塗上昇天堂逍遙南宮三年皆得更生福德之門世世歡樂福慶難稱善緣不絕

魁得神仙
太上道君顧問南極世界飛天神人曰我嘗歷觀諸天出遊南門見南方無極世界地獄之中有百姓子男女人裸身無衣吞火食炭頭面焦燥舉體爛壞無復人形身受惡對苦毒難言見之流曳傷痛人心如此之輩受對幾年當得解脫被赦之日為還人中為作何

形大慈之法有何功德可得解度還於善緣南極世界飛天神人曰其人酷逆生世不道罪結九幽長夜之府三炁天君丹天諸靈官三界司算結其罪錄依玄都女青陽官太陽官律罪役皆三萬劫當還生六畜之中以報

宿怨三百萬劫輪轉丹天數周乃得作三河水曹都役使其間辛苦非可得言若欲開度斷諸惡緣使得還入道之中當依明真玉匱女青陽官科品以絳紋之繪三十尺亦可

三尺金龍一枚詣南方三炁天君南鄉諸靈官九幽之中拔贖罪魂三日三夜明燈燒香首謝天君可得速出長夜之中見諸光明三年皆得更生人中因緣不絕轉得信報

西南世界飛天神人曰西南無極世界恒沙眾生已得道過去及未得道見在福中善男子善女人修奉智慧上品十戒功德滿足身受福報已得道者位登上真未得道者見在世上為地祇所稱天神所敬死昇南宮受號

上補天官總領鬼神西南梵炁天君告下西南地祇三官九府百二十曹削落費元九幽

南地祇三官九府百二十曹削落費元九幽

玉匱長夜之幽宿世罪根梵天司命勒錄梵
天神仙簿中九祖普得去離三塗五苦之中
升度南宮道遙福堂後十二年皆得還生富
貴之門因緣不絕遂得神仙

太上道君顧問西南世界飛天神人曰我嘗
歷觀諸天出遊西南門見西南無極世界長
夜地獄三河九江五嶽之中有百姓子男女
人身受惡對苦痛難勝見之悲惻傷人肝心
如此之輩凡應幾年當得解脫被赦之日當
作何形有何功德可得拔度還入福中

西南世界飛天神人曰此人前身十生人道
恒無善行生輒元逆一炁天君梵炁諸靈官
三界主司結其罪錄依玄都女青下宮右官
律萬劫得還生下人之身作僕使輪轉十二
萬劫無數之周乃得作南河都役使此之勤
苦非言所盡欲使拔度還於善緣當依明真
玉匱女青下宮科品以黃紋之繪一百二十
尺亦可一十二尺金龍一枚詣西南梵炁天
君西南諸靈官九幽之中拔贖罪魂一十二
日一十二夜明燈燒香首謝天君西南諸靈

官可得開度長夜之中見諸光明一十二年
皆得還生福慶之門

西方世界飛天神人曰西方無極世界恒沙
衆生已得道過去及未得道見在福中善男
子善女人修奉智慧上品十成功滿德報已

得道者位登上真未得道者名書太素玄臺
命過昇天為太上之賓西方白帝皆列名七

炁之天七炁天君告下西方三官九署地牢
之中削落白元九幽玉匱長夜之幽宿世罪
根素天司命勒錄諸天神仙簿中七祖普離

三塗五苦上昇金闕受福自然道遙福堂歡
樂無窮後生人中得為人尊三界所敬鬼神
所稱輪轉福緣皆得神仙

太上道君顧問西極世界飛天神人曰我嘗
歷觀諸天出遊西門見西方無極世界長夜

之中九幽地獄及三河九江諸山責役男女
鬼魂流曳三塗五苦備嬰斯人宿對緣何而

來而充此罰如此之例幾年之中可得解脫
復有何功可得拔度

西極世界飛天神人曰斯人宿身所行不道

七炁天君西方諸靈官三界主司結其罪錄
依玄都女青右宮陰官律萬劫當得還生還
夷之國有人之形無人之情轉輪七萬劫白
帝教周乃得作西嶽都役使此之悲慙勤苦
難言欲使開度還入善緣當依明真玉匱女

青右宮科品以白紋之繪七十尺亦可七尺
金龍一枚詣西方七炁天君西方諸靈官九

幽之中拔贖罪根七日七夜明燈燒香首謝
天君可得開度見諸光明七年皆得還生善

人之門
西北世界飛天神人曰西北無極世界恒沙

衆生已得道過去及未得道見在福中善男
子善女人修奉智慧上品十成功滿德報已

得道者位登上真未得道者名書九天命過
昇天與五帝周旋黃帝皆列言梵炁之天梵

炁天君告下西北三官九署地牢之中削落
黃元九幽玉匱長夜之幽宿世罪根梵天司

命勒錄諸天神仙簿中七祖皆得去離五道
上昇九天受福無窮後生人中勇猛精進威
制五方因緣不絕得補五帝真人

太上道君顧問西北世界飛天神人曰我嘗歷觀諸天出遊西北門見西北無極世界地獄之中九江長夜寒冰夜庭有百姓于男女人塗炭流曳身形楚撻苦毒難言如此比例被責幾年當得解脫蒙赦之日為還人中復

作何形如未開怒有何功德可相拔度

西北世界飛天神人曰斯人所行酷逆無度

一炁天君西北諸靈官三界主司結其罪薄

依玄都女青太陰宮水官律萬劫當得生惡閻之中孽盲六疾非復人形輪轉五道一十

二萬劫無數之周乃得補長河都役使此之

悠悠勤苦難言欲使開度還入善門當依明

真玉匱女青太陰宮科品以黃紋之繪百二

十尺亦可一十二尺金龍一枚詣西北一炁

天君西北諸靈官九幽之中拔贖罪魂一十

二日一十二夜明燈燒香首謝天君可得開

度見諸光明一十二年便得自在更生人中

還入善緣之門世世歡樂長享無窮

北方世界飛天神人曰北方無極世界恒沙

衆生已得道過去及未得道見在福中善男

子善女人修奉智慧上品十戒功德備足玄天福報名書上清或位登上聖遊行三清或命過即得為四極明公見在世上福德之神靈敬護萬災不干北方地司皆列言上官五炁天君告下北方三官九府百二十曹前

落玄元九幽玉匱長夜之函宿世罪根玄天

司命勅錄諸天神仙簿中七祖普得上昇天

堂衣食自然五年皆得更生帝王之門輪轉

福德故恒居善緣

太上道君顧問北方世界飛天神人曰我嘗

歷觀諸天出遊北門見北方無極世界地獄

之中三河九江諸山責役百姓于男女人塗

炭流曳負山擔石閉塞長源吞火散炭無復

身形其人受對被責幾年應得解脫解脫之

日為還人中復作何身中復可得拔度與不

北方世界飛天神人曰斯人生世酷逆無道

五炁天君北方諸靈官三界主司結其罪錄

依玄都女青太陽宮火官律萬劫當生六畜

之中輪轉五道五萬劫玄天數周乃得補北

獄都役使其對悠悠難可卒還欲使開度速

見命根當依明真玉匱女青太陽宮科品以玄紋之繪五十尺亦可五尺金龍一枚詣五炁天君北方諸靈官九幽之中拔贖罪魂五日五夜明燈燒香首謝天君可得開度見諸光明五年身皆還生善緣之中

東北世界飛天神人曰東北無極世界恒沙

衆生已得道過去及未得道見在福中善男

子善女人修奉智慧上品十戒功德報已

得道者位登上真未得道者見在世上為三

界所敬地祇所畏死昇天堂靈人交遊東北

地司皆列言梵炁之天梵炁天君告下東北

三官九府百二十曹削落黃元九幽玉匱長

夜之函宿世罪根梵天司命勅錄諸天神仙

簿中九祖昇度南宮去離五道道遙福堂五

年皆得還生福德之門世世因緣享福無窮

太上道君顧問東北世界飛天神人曰我嘗

歷觀諸天出遊東北門見東北無極世界地

獄之中有百姓于男女人身受宿對諸苦備

經流曳塗炭無復人形其人何辜生世何犯

殺害何命致受今對當作何功拔贖罪身使

得還入善道之中

東北世界飛天神人曰斯人前生不念慈心
三春遊獵張羅布網放火燒山刺射野獸殺
害眾生其罪深重死受殃罰身負槌打萬痛
交行驅馳百極食息無寧欲拔比罪還於福

中當依明真科品以黃紋之繪百二十尺亦
可一十二尺金龍一枚以詣東北梵炁天君
東北諸靈官九幽之府拔贖罪魂一十二日
一十二夜燒香然燈照耀諸天地獄之中使
長徒幽魂得見光明罪根披散還入福門魂
昇南宮受慶自然

下方世界飛天神人曰下方無極世界恒沙
眾生已得道地仙五嶽真人及未得道見在
福中善男子善女人修奉智慧上品十戒功
成德滿已得道者位登上真未得道者名書
諸天命過之日徑昇福堂東華宮中五嶽五
帝皆列言諸天三十二天帝君告下八極三
官九署地牢之中削落九幽玉匱長夜之幽
宿世罪根諸天司命勒錄金格神仙簿中七
祖皆得去離地役昇上南宮後生人中富貴

之門積功勤修輪轉不倦尅得飛行昇太
極位得神仙

太上道君顧問下方無極世界飛天神人曰
我嘗歷觀下方出遊八極見下方無極世界
地獄之中有百姓于男女人身受酷對大小
相牽塗炭八極囚徒之中其人何幸生世何
犯違何經法受此之對當作何功可得拔贖
宿愆使得更生人道之中

下方世界飛天神人曰斯人前世不敬鬼神
不信經教犯忤地祇五嶽四瀆罪非可紀死
受酷罰幽沈地獄自非明真科法拔度萬劫
無原夫欲開度當以黃紋之繪三十二尺金
龍一枚以詣下方諸土府五嶽名山諸水三
官九署十二河源九幽之中拔贖罪魂一日
一夜一十二時燒香然燈照耀諸地之下九
幽之內使長徒死魂得見光明身受開度還
入福門

上方世界飛天神人曰上方三十二天無極
世界恒沙眾生已得道上聖高神諸真人及
未得道見在福中有百姓于男女人修奉智

慧上品十戒功成德滿已得道者位登上真
未得道者名書三十二天命過之日徑昇福
堂遺遠三界大羅之上諸天右別九幽之府
長夜之中削除罪簡拔出七祖昇上南宮更
生人中修行善道世世因緣說好不絕尅得
神仙飛行三界大羅之天

太上道君顧問上方世界飛天神人曰我嘗
歷觀上方三十二天遊行三界見天一北獄
青詔上獄及三河積夜之府有百姓于男女
人裸身赤肉不得衣食身被鐵杖痛苦難任
流曳三河漣汲洪水以灌四瀆晝夜勤苦無
有休息其人生世何所犯違觸何經戒而受
此對當作何功德可以拔贖使得更生還在
人中

上方世界飛天神人曰其人前身不信大法
疑毀經文違犯十戒致受今對充天徒責自
非明真科品拔度萬劫無還夫欲開度當以
青紋之繪三十二尺金龍一枚以詣諸天官
曹府拔贖宿對開度九幽之中囚徒死魂一
日一夜一十二時燒香然燈照耀諸天積夜

之河九幽之中使責役之鬼得見光明身受
開度還入福門

太上道君歡喜作禮上白

天尊今日侍坐得聞十方飛天神人說諸罪
根拔度上品生者得度死者得還九幽之內

普受光明來生男女善心信向當得其福世
世因緣既好不絕身得神仙香燈供養門戶

興隆三界侍衛萬靈朝門鬼賊降伏千災不
干大法開化萬劫無窮福慶堂堂巍巍難勝

欣諸來生得此大恩不勝喜悅而作頌曰是
時諸天一時稱善

太上智慧長樂頌
龍漢多純民 混心皆自然 五情不爭競
形有不死神 龍門斷長河 三陰不役人
休息五道場 龍除刀劍山 蕩蕩元漢內

九幽無苦魂 不聞哭尸聲 但聞長樂言
不見長夜鬼 但見飛天仙 斯世樂何樂
故誦興樂篇 諸天稽首慶 同稱慶劫年
玄都七寶林 十天普彌羅 紫煙觀靈輝
雲景秀玉阿 上有福德堂 宮室互參差

皆是清信士 真仙飛天家 三界通玄路
五道清不邪 善根應緣生 累功享福多
牽對相尋續 大法諒不虛 無有萬年人
皆與劫同徂 依依歡樂世 發言成慶歌
此世觀無極 當奈來運何

太上道君於洞陽館柏陵舍中受戒見諸天
福堂億劫種種觀並通運無為衣食自然身有
光明飛仙同侶無有憂戚不知苦難見之悲
喜故作長樂頌篇

太上智慧苦神頌

生落苦神界 輪轉五道度 九幽閉長夜
累劫無光明 刀山多劍樹 毒刃互崢嶸
不見羣鳥集 但聞苦魂聲 迴風搖長條
哀響流寒庭 上有履山人 時刻無暫停
飢食曲泉炭 渴飲冷火精 流曳三陰中
豈識形與名 念爾不知命 苦哉傷人情
罪福各生緣 善惡諒由心 輪轉不終誠
聲聲不絕音 九幽有元錄 萬劫自相尋
寒水無極源 長夜閉重陰 不見福德舍
但見窮鬼林 長河難閉塞 苦魂攀領吟

孤聲赴絕劍 哀號落刀岑 此形非復形
痛哉傷人矜

太上道君出遊八門見諸地獄幽閉重極及
三阿九江刀山劍樹因徒餓鬼責役死魂流
喪陰炭無復身形不可忍見見之悲傷故作
苦神頌篇

苦神頌篇

天尊告太上道君曰今日普與十方至真無
極大聖眾同生一切歡樂難譬言不覺盡心
不覺現說諸善惡禁戒科律無所藏隱諸天
同慶齊宣法音普度無量今生何幸遇此經
教自發善心命得長年不橫天傷終歸之日
徑上天堂因緣無絕皆得道真吾念來生未
世男女皆當隨運自從心迫情急不覺生罪
罪根當生論於五道一跌信路無復還期往
返三陰五苦之中刀山劍樹飛血萬里無極
寒水窮魂填夜號咷長河悲吟傷人哀此不
幸往不能還今故說此經為諸來生信向之
人開通津梁普令得去惡對之根身入光明
還於善緣至心宗奉當得其福不信向者當
獲其殃吾過去後其文當還大羅之上七寶

玄臺紫微宮中如明真玄科四萬劫當行下
世教度天人今以相告明識之焉是時衆聖
太上道君歡喜作禮稽首而退

太上洞玄靈寶智慧罪根上品大戒經卷下

二經同卷

上清衆真教戒德行經上下卷
洞玄靈寶天尊說十戒經

陶五

上清衆真教戒德行經卷上

方諸青童君告曰人為道亦苦不為道亦苦
不為道亦苦者惟人自生至老自老至病護
身至死其苦無量心惱罪積至死不絕其苦
難說況多不終其天年者哉為道亦苦者清
淨存真守玄思靈尋師轍軻履試教自勤心
不惰用志堅審亦苦之至也視諸侯之位如
過客視金玉之寶如礫石視紉素之屣如糞
帛者始可謂能問道耳
西城王君告曰夫人離三惡道得為人難也
既得為人去女為男難也既得為男六情四
體完具難也六情既具得生中國難也既處
中國值有道父母國君難也既得值有道之
君生學道之家有慈仁善心難也善心既發
信道德長生者難也既信道德長生值太平

士辰之運為難也可不勗哉三惡道者生不
得作人乃作鳥
獸蟲畜之類
謂三惡道也

太上問道人曰人命在幾許問或對曰在數
日之間太上曰子不能為道或對曰人命在
飲食之間太上曰子去矣未謂為道或對曰
在呼吸之間太上曰善哉可謂為道者矣吾
昔聞此言今以告子子善學道庶可勉此呼
吸弟子雖去吾數千萬里心存吾戒必得道
矣研玉經寶書必得仙也處吾左側者意在
邪行終不得道也人為道讀經行道事者譬
若食蜜徧口皆甜六腑皆美而有餘味能行
如此者得道矣
方諸青童君告曰人之為道能拔愛欲之根
者譬如脫懸珠一脫之會有盡時稍去外
惡惡會有盡時盡則得道矣又近論牛負重
行泥中疲極不敢左右顧趣欲離泥以自蘇
息達士觀情欲如彼泥中牛直心念道可免
衆苦得道矣
太虛真人南嶽赤君告曰人有衆過而不自
悔頓止其心罪來歸已如川歸海自成深廣